

張文定公觀光樓集

張文定公觀光樓集卷之二

表七道

恭上

皇天上帝泰號冊表

嘉靖十七年十月

日

臣御名誠惶誠恐稽首頓

首上言伏以

秩文軌世禮莫先於定名昭德象功名莫大於尊

帝樂康熙於

純祐式展豐儀揆

沕穆於輿情維新

大號欽惟

昊天上帝

乾元廣運舉庶類以甄陶

玄造弘敷無兩間而姬煦四時亭毒靈憲無以究其
微七政範圍渾儀不能紀其數表降衷於物則不
言而顯於能言驗成性於天機無宰而無乎不宰
軫轉其道始無端而終莫窮衡絜其施廣包畛而
織入歲風雨霜露無非教進退予奪皆爲之雖聖
智有贊襄之能而造就實

篤生之力崇高有威福之運而委畀亦

簡在之功故君之膺命於

天猶子之受任於父顧惟非質允荷

鴻慈

眷茲億兆之多蒙

寵以君師之重位有倫有脊昭啓翼以多方孔惠孔
時致匡維於罔間引迪於逸儼慈父之顧綏

相協厥居底生民之樂利感懷彌切仰荅無由雖
報饗之典漸修而

冊祝之稱未允竊以昊司長夏祗舉其偏未若皇無
大初似當其義矧若子膺重號無非襲美於親以
今臣受隆稱敢不歸尊於

張文忠公集卷之三
帝謹稽典籍率籲臣工恭上

尊號曰

皇天上帝庶幾

天於天下見尊無二上之稱

天子於

天有相承一體之意名由邃古義訓方來伏惟

鑒我恭寅

牘茲治化

用章賢俊群方永被乎

洪休

誕係子孫萬世丕承乎

元祀

臣御名無任瞻仰

聖神激切屏營之至謹奉

表上

進以

聞

冊太

中宮賀

章聖皇太后表

伏以

懿德中承

宮壺協鼎來之泰運

徽音世嗣

邦家納滋至之天休遐邇交歡神人胥豫恭惟
聖慈仁皇太后陛下

劬勞誕

聖功德開

天

恩既深於保綏

念尤關乎翊贊

命躋坤厚

作合

乳清丕隆萬化之原享祀虔脩於
九廟永篤無疆之慶孝養備極於
兩宮臣等並職南都馳心

北闕瞻前星之朗耀美紹螽斯迺

虹渚之淵源福隆天保無任瞻仰激切屏營之至謹

奉

表稱

賀以

聞

冊大 中宮賀 昭聖皇太后表

伏以

運隆虞室重華資嫡汭之賢良命集周京太妙嗣
洽陽之貞淑

禮成宮闕

歡溢寰區恭惟

昭聖康惠慈壽皇太后陛下

德備含弘

功高擁翊奉

敬皇之靈貺錫

今上以休徵廼贊

乾元載寧

坤極

金甌有託圖永繫于苞桑

玉牒無窮期益綿乎瓜瓞臣等叨分留寄敬仰

天庭日升月恒

娛養長隆於

五佺星暉海潤

康熙永慰乎多方無任瞻仰激切屏營之至謹奉

表稱

賀以

聞

明堂大報禮成廷臣賀表

嘉靖十七年九月二十有一日恭遇

明堂大報禮成臣某等誠懽誠忭稽首頓首慶賀者伏

以

肇稱殷禮當百年積德之餘誕舉精禋會萬寶告

成之日

至仁饗

帝

神功協豫於笙鏞

大孝尊

親

明德升馨於俎豆幸躬逢乎

聖哲獲衣被乎

文明允一代之昌期曠千秋而僅見庶邦叢慶品彙
交懽欽惟

皇帝陛下

中正和平

欽明文武

制作冠百王之盛

勲華承

列聖之休事

天如

親保民若子雨暘寒燠察喜怒於無形耕鑿起居圖雍熙於有象吉蠲而承

郊廟必虔籲俊之心敬順以奉
官闈允篤保躬之念

恭默思道

訓垂敬一之箴

兢惕體乾

齋揭九五之扁儀章日煥義理毫分遠祖

文皇已示開基之烈近宗

穆考仍昭受命之由孰啓

甲興固臣民之共慕均霑

大化曷本原之可忘况逢河海之晏清合覩禮樂之

明備運

人之獨智叅三代之遺規謂

上帝生物育民德無以稱而

先皇累仁錫祉恩莫云酬

祈穀已類而

大報猶虛

裕殖雖行而

宗祀稽舉典儀未秩誠意曷伸廼渙

庶章爰同興議

曆圖光啓尊疊儼

冲漠之居歆縟典慎脩庭戶儼

儀容之陟降闡弘猷於海宇禮孰先於敬

天達至治於神明道莫大乎嚴

父

袞衣對越蕭光奏烈於彤墀鵲序趨蹌柴燎交輝於

列宿察乎幽明之故異時之非盛陽正德之
中豈商彤之豐昵幽隱昭答

神靈顧懷無疆惟休方寢旦以萬世有秩斯祐將溥
錫於羣元臣等伏願

景命誕膺主百神而永固取章無替撫庶土以同娛
天施地生益下以詒燕翼

雲行雨施澤物而保鴻禎有山形畢覆於

堯仁歷世恒貞乎

舜孝

參二儀而並壽

攝五氣以舒光臣等瞻

天仰

聖無任欣戴慶祝之至謹奉

表稱

賀以

聞

冊立 皇太子及封 裕王景王廷臣賀表

具官臣某等恭遇

皇上冊立

皇太子及封 裕王景王誠

國家天下萬萬年太平之慶謹奉
表稱

賀者臣某等誠懼誠忤稽首頓首

上言伏以

元良鼎建羣方繫磐石之宗

藩翰駢封萬世承本枝之茂值

離明之兩作會泰運於三陽

訐謀肇自

宸衷

洪慶默由

天啓神人協豫華裔交懽恭惟

皇帝陛下

秉德欽文

體元中正事

親饗

帝孚仁孝於幽明稽實定名盛聲華於今古所其無逸
越禹土以瞻依式厥不聞極堯天而怙冒乃發祥
於

濬哲潤衍

天潢爰篤祐於緝熙風傳麟趾念國本之當豫

正冊誕降於

龍樓思藩輔之貴親

金璽光領乎

虎殿海雷居

主鬯之伋春煦

庭柯少陽儲

麗正之階光聯棣萼上以應乎

寄昊發先動而卿雲耀章下以谷乎黎元禮方成而康
衢布頌合庶邦而成羽翼何煩假力商山監百代
而判珪琮豈爲戲裁桐葉定至宏遠之猷略見

天聖人之作為矧聞

神度性成

睿資天授將克明而克類吉孰加焉允宜君而宜王
盛其至矣天綿黃祚軒轅以廿姓錫宗世戴姬恩
周室以百男胙土皆豐培而駿發亦廣藝而鴻收
受

帝祉於

鼎盛之春秋占命哲於無窮之曆數

光前裕後莫盛於斯安

國保民惟是為大臣某等恭逢

鉅典喜切中懷

子聖孫神奕世頌

皇圖之有永天長地久萬年祝

聖壽以無疆無任瞻

天仰

聖激切屏營之至謹奉

表稱

賀以

聞

冊立皇太子口

景雲元年廷臣賀表

具官巨某等恭遇

冊立 皇太子及封 裕王 景王其日

景雲見者臣某等誠懼誠忤稽首頓首

上言伏以

運符昌祚允綏

神聖之心象見

鴻禎妙應

元良之建

青宮啓

重離之照

黃道曜五雲之祥不後不先及茂辰而輝煥非烟非
霧當京邑以騰翔謂天蓋高昭於掌指曰

帝維默著極耳提奇祥古未前聞盛事今真特見蓋
一德享

天心於有素而萬邦貞

元極以無窮有目共瞻無言非頌恭惟

皇帝陛下

懋昭維日

廣運如天

明格玄脩敦固大來之慶

旁招翕受豐培不拔之基

和平樂品庶之蒙休

蕃衍裕神靈之錫羨爰告

郊廟致虔吉蠲會衆志之僉同念

國本之當豫庸修

鉅典

宗祧繫寰宇之心載展

大猷

藩翰壯本枝之勢

鑾旌延列朝紳儼以需期

冊寶

陞陳

節使肅而待命迨日當午有雲麗空佳氣郁紛彩章
絢爛如輪如囷以照臨下土示奕世之文明為鸞
為鳳以盤舞九霄啓羣工之抃蹈夫叢慶莫隆於
命摅而詒燕孰大乎祈

大以一日之休徵兆萬年之

明盛應如桴鼓契若珪璋豈曰適逢允惟貞觀照臨
攸暨歡踊維均臣某等目覩祥符躬承昭貺仰至
誠之靈異謔玄宰之神明欲效涓塵深慙薄劣伏

願阜民裕

國南風歌大舜之詩

祇命省身甘露詔

高皇之論崇實德以保

神眷永觀文治之精華純大化以肇

皇圖咸沐

聖恩之汪湛臣等無任瞻

天仰

聖激切屏營之至謹奉

表稱賀以

聞

進歷代通鑑纂要表

臣某等伏奉

先皇帝勅旨令脩歷代通鑑纂要書成

進呈者臣等誠惶誠恐稽首頓首

上言道有常經貴諗從違之實治多異法恒階興
替之原顧鑑龜已定於前人而考卜宜精於今日
不觀往轍曷啓前途欽惟

皇帝陛下

天挺英資

日新聖學率由

祖訓繼緒無忝於成康敷求哲王成功遠期乎堯舜臣
等叨陪

講幄忝職儒班

先皇不鄙其庸愚

明命畀司乎纂述分曹秘閣發冊石渠竊念

豐芑之遺實注情於簡策而涓埃之報敢忽意於編
摩矧慙襍線之才無補

袞職之闕庶采前古之迹可資

乙夜之觀爰惕爰競胥勤胥勵欲備一代之典盡搜

百氏之書自高辛以來史凡十九由胡元而上年
歷數千其間編簡之麗茸與夫文辭之棼浩雖專
門之士或不及詳豈萬機之餘所能悉覽顧事貴
得要故泛載於書契之餘者雖詳或去然道欲無
遺則傳聞於結繩之上者雖遠亦書春秋以前本
聖經之斷例威烈而下宗綱目之法程事逮遼金
法遵今史咸臻實錄豈曰傳疑規模體統之詳尺
楮或稽於百代侈剝興隆之故片時可昉乎萬年
昔漢儒說苑之編事非大要唐相金鑑之錄辭不
萬言核實若歐陽容有未闡之旨博洽如司馬不

逃輕信之譏備而不繁約而無晦徧觀列史莫便
此書是皆

先皇之克開而有望於

陛下之善述者也然制方雖存乎古用藥則由乎人苟
捐網以臨淵雖羨魚而焉獲伏願

慎終于始

圖大於微

主善爲師動止罔愆乎成憲

克念作聖陟降如見乎

先皇定命訐謨務俾與治同道過惡揚善永期應天時

行臣等無任瞻

天仰

聖激切屏營之至謹以所修歷代通鑑纂要若干卷隨

表上

進以

聞

文定公觀光樓集卷之二

張文定公觀光樓集卷之三

奏議四道

郊祀議

奏爲法古道以格

天心事臣竊聞世之所常然者道也天之所常享者誠也善法古者得其道而不膠其迹善事天者致其誠而不急於文臣待罪留都越茲三載伏覩陛下製敬一箴註程頤視聽言動箴註范浚心箴蓋於格天之本洞見無疑固守而篤行之則所謂明德之馨自當昭格于

上下而不待禮文之擬議矣近者復聞

陛下采納諫臣之論下廷臣各陳所見更定

郊祀禮儀蓋以

神祇合祭非古而欲復周家二至分祀之制臣仰窺

陛下法古敬

天之心必使本末質文咸若三代然後有以懽於志

臣愚竊有未敢以爲安者敢陳其說於

陛下道也者通古今而一致故千聖無二心制度也者

隨古今而異宜故百王有殊法夏之禮樂商湯

而新之商何必泥於夏也然而商之高宗必不

成湯之制作矣商之禮樂周武王周公易而新之
周何必泥於商也然而周之宣王必不改文武之
制作矣是故商周之制

太祖可以不因而

太祖之制

陛下不可以不守

陛下志於法古亦法夫禹湯文武之道而已矣亦法夫
禹湯文武之心而已矣禹湯文武之道天地之道
也其心天地之心也天地之心莫大乎生養萬物
也今海宇之廣民物之衆容有未遂其生者乎天

地之心莫大乎嚴華夷之限也今邊防或疎夷狄
或萌窺伺之心乎天地之心莫大乎使上下之情
通徹無間也今耳目之寄或未廣匹夫匹婦或有
不獲自盡乎天地之心莫大乎遏惡揚善也今命
德討罪亦容有未當乎天地之心莫大乎欽崇賢
俊也今顯俊尊帝亦容有未至乎事事而思之
時而體之由深宮而大廷無顯無隱常與天心合
一而無間焉則伊尹所謂咸有一德克享天心者
不在成湯而在

陛下然後於

期齋戒神明而展燔柴之禮何患乎

祇之不格而徒取

祖宗已成之制紛更爲哉借曰乃百王所宜取法則大而封建井田小而赤爰磬簇無一復行於今者何獨於

郊祀一事而必泥焉也孔子論爲邦時取諸夏輅取諸殷樂取諸舜蓋所不滿於周禮者亦已多矣我

太祖汛掃胡虜肇造寰區功過百王而禮樂制度亦固無百代而參酌之至於敬天之心則亦禹湯文武之心也臣伏聞之嘗得雷斧出入則命捧以前導

聽治則置之几案以致其顧諟之誠令天下勿泰
祥瑞若災異即時報聞曰常使懼心有餘驕心不
敢萌也是以察日月星辰之行審雨暘燠寒之變
如人子之於父母察聽聲色罔敢或忽故於
定之初分祀

也每至齋戒風雨非時面稽十年乃推
入母地之義斷以三陽交泰之月合祀

地於南郊及平齋戒之期燔燎之日星月朗曜祥氛
醴人乃親製樂章以答

靈貺以定不刊之大典由是觀之分祀周禮也

太祖行之而未安者也合祀我

朝之禮也文武復生而不易者也

陛下何爲近舍

先祖盡善之制而遠信周公未成之書乎且能事人斯
能事鬼神能饗親斯能饗帝

下大祀之日以

八祖配

上帝

太祖之心安於合祭而不安於分祭今將以其所安者
而享之乎抑將以其所不安者而享之乎夫以

太祖心之所安雖使禮文未善猶將因之况粹乎無以
議者行之百五十年而欲一旦更之誠可駭也

陛下明並日月洞察幽明伏望篤法

祖之孝行事

天之仁則休徵畢見百福具臻天下幸甚萬世幸甚

處置鹽法事宜狀

臣伏按鹽法一事固民生日用之不可缺者而輸
利於官足國之道亦其重者近年以來名色徒存
爲弊滋甚茲欲處置得宜當先求其弊之所從生
而剷除之且

國家之制鹽法有常股有存積存積既興常股法以
商人輸價在官歷年支而六家右族一旦而
譴奪去憲臣與轉運等官彼此交通以私互市商
人則通賄於官夾帶私鬻以魚利其中法久弊生
日以彌甚是誠不可以坐視而莫之爲也今憲臣
不清其源惟私鬻是禁夫民之趨利也猶水之就
下今法有所撓欲豪右之無侵漁不可得也有司
通賄欲民之無私鬻不可得也二者之不革而欲
鹽法之無沮壞上下之不交受其弊亦不可得也
爲今之計但宜嚴勅憲臣恪勤巡視肅振刑法使

轉運等官嚴收支謹盤詰輕減鹽估多召鹽商
常股之定制量道里之遠近酌米粟之貴賤以
而給之奇請比託者雖細必斥多支濫給者
必刑則淮浙長蘆諸路盤據窟穴積久之弊
以漸而革矣然猶有已往而莫之及者如
古已輸而爲大家所奪無鹽給與者則
處其未收估之先稍視鹽商所輸之估
盤給之則所以招徠遠人之弊猶庶乎其可救
抵登清治法在先得人而其本則有
果斷而必行之耳蓋泰享熙洽之餘必有

勵家之政不然恐

日使勤玩愒猶故雖有良法莫可施行

處置經費議

伏都

國家以來經用不給至有欲以鬻爵度僧為

者夫二事者所獲無幾而所害甚大誠非

心所宜行竊惟之天下非小憾也土地之所生

力之所養其出不為少也而猶每患用之不給

來必有自矣蓋欲足費莫若省費所以省費者

三一曰昭儉德其本也二曰裁濫賞三曰汰冗食

其末也至於所以經畫之方有二曰清理鹽法開
廣屯田二者是已臣讀食貨志見文帝躬行玄默
而紅腐貫朽武帝商工計利不遺錙銖而大司農
每每告匱以是知省費之可以足費也曩者
朝廷以大婚詔戶部措置銀四十萬兩廷臣議欲減
半亦已多矣而

陛下竟莫之從夫一事之舉所費如此可謂百口累之
一日捐之矣今耗財之路不可縷舉姑以光祿寺
言之一日之費供一宴之設而或至於鉅萬

先帝已嘗裁減近日復以如舊尾閭漏卮一至於此夫

鳥得不遇

陛下誠躬行義納明詔中外則凡耗財之路猶庶幾其
以漸而可塞也古者非有功不賞賞一人則千萬
人勸彼獻一技弋一鳥者何功

國家而

陛下輒厚養之耶又況享內庖之奉者多贅設支太倉
之粟者率市人則一人耕之而聚而食之者復不
止於十人矣此而不爲之裁抑臣恐財用日耗於
上而民生日困於下也夫不塞耗財之路無以開
生財之源今取於民者軍需雜征與夫斗斛耗米

之加已不啻數倍於常時矣民已竭矣不可以有
加矣其尚有可行者臣聞劉晏理財歲收數十百
萬而鹽利居其大半夫鹽之爲利上下交濟公私
無益昔之人行之而有驗

但宗制之而有法固可以坐享其利而永永無弊也今
利不歸於

國家而歸於權倖之門豈不惜哉必使憲臣與轉運
等官絕交通互鬻之私而輕減鹽估多召鹽商循
常販之制以次而給之而苟直請託禁絕而不行
焉則利不歸於權門而上下交受其益矣臣又聞

西北邊地肥而人鷙曩者小有邊警

朝廷遣使以數十萬給之其可以常繼也哉誠使將臣召募邊人墾田給之使之世爲土著之兵則不惟可以備不虞於無事之日而轉輸餽餉之煩亦可以計日而減也此蓋諸葛亮郭子儀行之而有效范仲淹朱熹議之而未及行者今欲行之亦在擇其人焉專委任之而已矣舍此而欲別議經費之方則桑羊孔僅之謀非臣之所敢出也臣聞之易大傳曰何以守位曰人何以聚人曰財財也者所以守邦之本也今竊見四方之人來京師者

言今年天下州郡多被水旱而東南爲尤甚不知
朝廷將何以卹之不幸而卒然邊鄙有急數十萬之
師又將何以餽之此臣之所以爲大懼也且天下
之事上因循則下玩愒因循玩愒之餘而不有振
勵作興之政出其間以鼓動中外之心而革其故
習則其勢將有至於不可爲者矣此臣之所以重
爲之寒心也謹條所聞上塵

屢覽伏惟

詔旨特賜施行不勝幸甚

從祀薛文清公奏議

奏爲乞

恩從祀真儒以光

聖治事近該巡按直隸監察御史楊瞻樊得仁題稱乞
要將已故禮部左侍郎兼翰林院學士薛瑄從祀
孔子廟庭該禮部覆題奉

聖旨是着翰林院詹事府左右春坊司經局國子監堂
上官人各上議欽此欽遵臣謹按薛瑄窮理復性
之功行已歷官之迹表表在人無庸贅述大抵少
成得於天性至老而踐履彌純實德著於生平既
沒而輝光益顯取與也一芥千駟必以道義出

也用行舍藏不失時宜恢恢乎容物之度而存
不遺於孤微鑿鑿乎處事之精而冲曠恒超乎物
表其介至於死生不易而與人惟見其從容其仁
幾於造次不違而修己不忘乎惕勵篤實足以發
偽中正足以律邪純粹足以訂雜得聖門之矩矱
爲來學之宗依或者謂其見道未瑩夫性命之源
道器之說自張載而後視周程益皆微有異同而
瑄之所守則程朱氏之說也或者謂其著述不如
吳澂今吳澂之書具在何者非瑄所優爲乎臣竊
惟宋儒如司馬光者尊信程顥兄弟而微詞奧旨

容有未悟然從祀廟庭而後世未嘗有間言焉
其忠信篤敬貫金石而感鬼神者自足以光聖道
而範來學兩廡之間自不得而少之也瑄之忠信
篤敬不下於光而生乎程朱氏之後學識言議似
爲過之臣愚以爲瑄當從祀無疑孔子之教先德
行後文學謂顏回亦足以發非言語之謂也孟軻
曰入則孝出則弟守先王之道以待後之學者若
瑄非其人耶當時若李贄若彭韶若閻禹錫見之
誌狀歿後若張九功若楊應若解一貫若姚鏌許
讚見之疏議至其心所向慕合詞同聲以爲賢者

則數十年來又未可勝紀也自漢以下孔子之庭
代不乏祀豈其堂堂

天朝幾二百載而闕無一人

皇上以堯舜周孔之道修明禮樂以淑人心而化天下
祖宗熙洽涵濡積百餘年乃僅得瑄一人焉而不以置
從祀之列則何以風天下臣愚以爲瑄之未祀似
爲缺典然道學淵海臣未探其津涯而萬世典禮
何敢輕議仰承 恩旨不敢不盡其愚伏惟

聖明裁幸臣無任愧懼屏營之至

張文定公觀光樓集卷之三

張文定公諡光祿 宋公之四

奏疏 十四選

諫 東宮監國疏

奏為欽奉

聖諭事 今月 聖諭 禮部傳奉

諭以血氣滯滯 不如聖諭 命

東宮監國

命臣等議上者 臣伏護再 三不勝戰慄伏思

皇上臨御十有九年

躬親萬幾宵旰不遑近歲雖

視朝稍稀然諸司奏牘一一

覽決不踰時刻至於進退人才等事關係緊要者尤
必博詢沉潛訪求精當是以臣民享和平之福而
皇上有早夜之勤一等一職無狀不能贊裨萬一瞻仰
宸慈競惶悚頓首
天之力以康

君父之體臣等臣等敢辭今欲權命

東宮監國

聖意有違臣等臣等臣等已而非為自緩日逸計也然

臣等臣等有臣等者蓋

宗社至重幾務至繁

皇太子以幼年任此臣等未敢知其可否仰惟

天縱神聖稔釐百工

神照所臨不勞而治且書有之文王罔攸兼于庶言
庶獄庶慎孟軻氏曰堯舜之知而不徧物急先務
也臣等伏見

聖諭亦曰重大仍奏聞是即堯舜文王之道也伏願

皇上自今以往攬大綱而略細務以法堯舜文王之治
則亦可以泮渙優游完精神而順壽耆矣何必徒
處不事事之名而重疑天下爲哉少俟

皇太子出閣講學之餘稍習人情漸諳政體然後惟
主意之所欲爲豈不可也緣係

權命

皇太子監國事體重大下等不敢擅議恭承

明旨不敢不竭其愚伏惟

聖明裁幸臣等無任懇悃悚慄之至

薦官疏

題爲陳愚見培邦本以隆

聖化事臣竊惟帝王之道事天安民二者而已天生賢
才惟以爲民用賢熙載則民安而天心悅故堯舜

之世萬邦協和於下皇天眷命於上亦由野無遺賢故耳我

皇上敬

天惠民婉德堯舜求賢圖治每若不及邇者復因遠方多警遂用言官之論許諸臣各舉所知雖廢棄之士亦所必錄此又堯舜詢咎岳牧明目達聰之意也臣敢不仰體

聖心用加訪求但智識昏愚不能周知謹以平日得於見聞者數臣爲

皇上陳之如太子少保刑部尚書今養親唐龍督學籌

邊誕彰文武法曹銓省宿著公清工部尚書今間
住章拯質性溫純早紹家庭之學才猷弘遠允為
邦國之楨吏部右侍郎今致仕歐陽鐸貳憲臺而
愷悌恻於民情佐銓曹而廉明孚於士論都察院
右副都御史今丁憂服闋于湛才略英明性資忠
孝大受實稱其器歷試未盡其長都察院右副都
御史今致仕潘塤志存匡濟才裕經綸試績有徵
居鄉克慎翰林院編修兼左春坊左司諫今為民
唐順之節介清堅文詞雅贍學惟稽古志在濟時
戶科給事中今為民王紆勵清修而阨窮不憚兼

塞淵而經濟皆宜監察御史今為民馮震才力敏
果而持憲有聲志操清恬而投閒無怨以上各官
皆有裨任使無忝官箴實天生之俊久而物望之
攸歸也乞

勅吏部再加查訪將唐龍等擢用則庶績益熙而治
化被於無外

天休滋至而眷命申于無窮天下幸甚萬世幸甚
聖母問安疏

奏為詢問安事臣等恭聞

章聖慈仁康靜貞壽皇太后聖體瘡疾尚未全愈臣等

久抱憂惶伏惟

皇上孝誠純篤明祈默禱無所不至

天地百神

祖宗列聖申佑交相

聖母玉體必然日臻康復伏望

聖心寬裕益慰

慈衷天下幸甚

孝康敬皇后神主升祔

宗廟奉慰疏

奏爲奉慰事廼者

皇伯妣孝康敬皇后

山陵事竣附

廟禮成伏惟

皇上至仁篤親

聖衷不無感動臣等翹心

宸極瞻戀曷勝竊念

皇上之嗣大統也無盡倫制以丕耀

宗祧茲襄大事也畢展情文以求寧

慈魄諒

太后之懿靈既妥而

聖主之乾運彌亨伏望

紆懷澄慮

凝神葆真以胥豫

九廟之神靈以普答萬方之臣庶臣等下情無任懇切

祈願之至

慈孝獻皇后神主升祔

宗廟奉慰疏

奏爲奉慰事恭惟

皇上尊奉

皇妣慈孝獻皇后神主升祔

宗廟大禮告成欽惟

皇上誠孝之至昭格於

穆冲是致

慈聖之靈安寧於

帝右

山陵與

皇圖而永固

宗廟偕

上帝以居歆綏祐百神預康兆姓

聖人大孝真裕後而光前矣臣等忝預侍從之司式瞻
孝理之盛下情曷勝慶幸伏望

皇上少紓終慕之情永篤無疆之慶臣無任懇祈之至

上鬢瘡復發問安疏

奏爲問安事臣等伏讀禮部傳示

聖諭

聖上鬢瘡復發三四日來痛眩煩燥下情不勝惶仄仰

准

皇上欽明誠一允享

天心

神祇百靈交錫純嘏

聖躬必即安痊伏望

清心靜攝凝承滋至之休天下幸甚臣等不勝瞻仰

祝願之至

聖駕南幸問安第一疏

奏爲問安事恭惟

皇上親發鑾輿遠幸南土

孝情所鍾不辭勞勩臣等乍違

天表瞻戀孔殷切念嚮南風氣調劑異宜伏望

省方觀俗

應天撫辰

留神節宣

茂膺戩穀以上承

九廟之庇依下慰兆民之瞻仰臣等無任懇悃祈願之至

第二疏

奏爲問安事恭惟

皇上孝誠天至視兆承天

龍輿遙幸

聖躬孔勞臣等暫遠

天顏不勝瞻戀切念向南風氣暄寒不常伏望

慎節起居

珍調服膳以上承

皇天之眷命下應臣庶之瞻仰臣無任拳拳祈懇之至
第三疏

奏爲問安事恭惟

皇上躬詣

顯陵遙追來孝

恩洽

龍飛之國歡騰利見之區臣等慶忭孔深仰瞻彌切竊
念道里遼邐

聖體久勞矧茲節氣漸暄南土多濕伏望

皇上順襲水土協應天時

留神節宣

茂康弗祿允綏

睿廟之神兼慰

慈靈之眷臣等無任夙夜瞻戀懇祈之至

第四疏

奏爲問安事恭惟

龍馭行春

橋陵動色羣方快覩五嶽效靈臣等違遠

天顏日深瞻戀念南土之多濕思

聖躬之久勞伏望

皇上葆真契玄

迎和綏祉應

管廟顧懷之意乎

皇天協相之衷此萬姓所均怙冒而諸臣尤切懇祈者也臣等無任夙夜瞻仰祝願之至

賀靈雪疏

奏爲恭賀靈雪事廼者經冬少雪

皇上軫念民艱祈禳彌月逮茲正月九日

聖駕親叩於金海之祠隨見玄雲密布瓊雪紛飛雜沓

彌天晶瑩縞夜適先春而呈白復連日以交加澤

潤來麤氣殲螟螣臣等誠懼誠忤稽首頓首伏以

昭格無贏荷

聖心之憫下休徵聿應見

帝命之孚忱蓋堯湯克浮乎天時而殷周無數其康事
豈曰災祥定數惟操感應玄機昔臻有道之長
今際無疆之盛欽惟

皇上

德符

真宰

化洽羣生

祭氛祲以寅恭

與閭閻同欣戚亢陽累月謂瘵我之何由冬雪愆期
若厲民之自己

宵旰恒惕

禱祀彌虔克典乎

神天遂潛移乎造物千圻吐潤四野同雲霽漸瀝以先
零雪繽紛而馭灑浮浮靄靄奕奕漙漙積素凝華
亘千里盡無瑕之玉沈沙浹土盈萬頃皆不貲之
金延餘臈於新年值先春之三日玄枵效職大呂
調元百靈驅侵歲之災兆庶慶豐年之瑞試有求

於親故報或踰時今

致懇於

玄穹應不旋踵真

聖人之神道惟

治世之鴻禎感通雖係於須臾而孚格實存乎平素
者也臣等仰濡

帝澤俯愧民生詵

仁愛於災祥恭慶

堯天之

眷命驗雍熙於

競業載歌

舜日之光華臣等無任激切忻忭之至

長至上起居疏

茲遇日臨長至恭惟

皇上

淵凝茂對

毓粹含和迓茲至之天休順萌生之物性

德符乾始

壽與天長臣等無任欣慶祝願之至謹恭詣

左順門叩頭上起居以

聞

祇慶元正疏

奏爲祇慶元正事茲者時際泰陽曆逢元正欽惟
皇上高明覆物通下濟之仁慈

玄默齋居運大善於貞固萬慶集

一人之欽止庶邦依

五岱以春熙天休與

聖德日新

國祚配乾元悠久臣等無任瞻仰慶忭之至

癸卯元旦慶賀疏

奏爲祇慶

元正事茲者律回泰運序屬春生恭惟

聖上

峻德發祥

至誠凝命

察天意視於無形

體乾坤昭乎有象

高居廣運

元重貞萬國以長春

寧極玄修兆姓賴

人之有慶臣無任瞻仰忭踊之至

文定公觀光樓集卷之四